

De su 20 a su 29 de làmpadas, Quartu si ponit in luxi cun A.Si.Biri, su fèstival de su Turismu Èticu e Sustenìbili.

In 10 diis in programma 40 eventus intra sport, spetàculus e laboratòrius.

Unu viàgiu aintru de sa cultura, sostenibilidadi e traditzioni: in Quartu si cèlebrat una manera noba de viagiari. De su 20 a su 29 de làmpadas 2025, sa citadi at a acòlliri A.Si.Biri – Festival de su Turismu Èticu e Sustenìbili, unu eventu chi afestat e promovit pràtigas de turismu rensponsàbili, atentzionadas a s'ambienti, s'arrespetu de is culturas localis e s'acrescimentu de is comunidadi.

Su nòmini A.Si.Biri, chi in sardu campidanese bolit nai “adiosu”, portat unu messàgiu forti: un'augùriu a si torrai a agatai, poita s'esperientzia bìvia at lassau unu sinnu in su coru, tanti in is chi arribbant, cantu in is chi acòllint. Su festival ammostat difatis una possibilidadi rara po interessai is bisitadoris asuba de s'importàntzia de unu turismu prus scienti, chi avalorit su territòriu chentza de ddu cambiai tropu.

Unu programma arricu de eventus at a portai is chi ant a pigai parti a torrai a scoberri domus stòricas antigas, artis e mestieris de sa traditzioni, e a bivi esperientzias autènticas cun fainas a s'ària aberta, atòbius cun is artigianus, laboratòrius, tastaduras cun prodotus localis e performance cun artistas de su logu. In totu ant a essi 40 eventus in 10 diis, cun medas impresas localis impinnadas a contai e favorèssiri sa citadi.

Unu beru viàgiu in su tempus, intra sensatzionis, fragus e savoris de una terra antiga e in su pròpriu tempus moderna, chi at a arricai is chi ant a pigai parti cun emozione e esperientzias ùnicas. Dexi diis de bivi totu a unu suidu, cun prexu e passioni. Una vetrina po ammostai sa capatzidadi de Quartu, e duncas una manera po fai acostai is bisitadoris, ma fintzas un'ocasioni po is sardus etotu de si gosai de su territòriu insoru.

*“Non s'interressat unu iperturismu chi fetzat essi sa citadi unu logu aundi non si podit bivi, cumentu a Rimini o Riccione, ma unu turismu sustenìbili. De s'àteru non nc'est nisciunu logu in Itàlia cumentu a Quartu: teneus possibilidadi mannas – acrarat su Dirigidori artisticu de sa manifestatzioni Roby Matta -. Gràtzias a sa retza de is artigianus e produsidoris localis, ma fintzas a sa bellesa culturali e de is logus, su turismu podit essi sa primu 'indùstria' de sa citadi. Ma non depit essi unu turismu chi 'pigat e si ndi andat', eus a bolli chi nascessint raportus sotzialis a innantis de is emozione. Su festival est impostau asuba de custu scàmbiu”acabat.*

*“S'amministratzioni comunali est de manera assoluta cumbinta de is potenzialidadi turisticas de Quartu e pròpriu po custu at trabballau in custos annus po s'avaloramentu de su territòriu, cun investmentus pretzisus, cumentu a sa melloria de su Poetu, agiumai acabada po su primu lotu, ma fintzas cun polìticas de aficu, possibilis gràtzias a su Pianu de impiegu de s'oru de mari friscu de aprovatzione – narat s'Assessora a s'Avaloramentu de su Territòriu Rossana Perra -. Su turismu podit essi su ramu econòmicu chi tragat sa citadi nosta, una genia de istrexu aundi apròbiant totu is atividadi. Custu fèstival, cun sa bellesa de 40 operadoris chi pigant parti, nosi donat una bella possibilidadi po s'agiudai a pari e si fai biri, aici de atirai turistas nous e intzirai chini at giai scioberau Quartu, po ddu fai torrai a benni s'annu chi benit puru. E*

*pròpriu castiendi a custas cosas apu agradèssiu su nòmini scioberau po su fèstival, unu si torrai a biri, si torrai a acòlliri".*

Cucordau de s'Assòtziu Turìsticu de Quartu Sant'Aleni, cun s'agiudu de su Comunu de Quartu Sant'Aleni e su dinai de sa Fundatzioni de Sardigna, A.Si.Biri, bantat meda mèdias internatzionalis, cumentu 'GreenMe', 'Turisti per caso' e 'Paesi Online'. Totu su programma est a disponimentu in <https://www.quartusantelena.org/en/asibiri-festival/presentation>.

Po scedas e informatzionis si podit tzerriai su nùmeru 3356866211.

**<https://www.comune.quartu.ca.it/novita/comunicato-stampa/dal-20-al-29-giugno-quartu-si-mette-in-vetrina-con-a-si-biri,-il-festival-del-turismo-etico-e-sostenibile>**

